



Nº EXPEDIENTE: 2023/SUBDIREC/000008

ASUNTO: OUTORGAMENTO DUNHA ACHEGA ECONÓMICA DIRECTA AO CLUB BALONCESTO ARXIL POLA ORGANIZACIÓN DAS ACTIVIDADES CAMPUS DE BALONCESTO CB ARXIL E XXVI TORNEO CIDADE DE PONTEVEDRA

RESOLUCIÓN APROBACIÓN SUBVENCIÓN

1. O Club Baloncesto Arxil (NIF G36039584) presentou unha solicitude pola Sede Electrónica do Concello con número de rexistro de entrada 2023010897, na que pide unha axuda económica de 5.500,00 € con motivo da organización das actividades “Campus de baloncesto CB Arxil 2022” e “XXVI Torneo Cidade de Pontevedra 2022”.

2. O concelleiro de educación, deportes, actividade física e saúde ditou unha providencia motivada na que se dispón iniciar o expediente para outorgar a achega económica solicitada, ao Club Baloncesto Arxil, de ata o 100% do importe do gasto total e co límite de 5.500,00 €.

3. A solicitude presentada pola entidade interesada acompáñase da seguinte documentación:

- Memoria explicativa da actividade a desenvolver.
- Orzamento de gastos e ingresos da actividade a subvencionar.
- Compromiso da beneficiaria de comunicar ao Concello calquera outra axuda ou subvención que se conceda para a mesma finalidade e a declaración responsable esixida polo artigo 12 da Ordenanza xeral de subvencións do Concello (OXS).

Consonte coa OXS incorporouse de oficio ao expediente:

- Copia do NIF da entidade solicitante.
- Copia do NIF da presidenta da entidade.
- Documentación acreditativa dos cargos representativos e do domicilio social.
- Certificación da entidade bancaria relativa á conta á que se poderá transferir a achega económica.
- Certificacións de estar ao corrente coa Tesourería Xeral da Seguridade Social, coa Axencia Estatal Tributaria e coa Consellería de Economía e Facenda.
- Informe do Órgano de Tesourería e Xestión Tributaria conforme a interesada non ten débedas coa facenda municipal.
- Documentación acreditativa de que a interesada se atopa inscrita no Rexistro Municipal de Asociacións co nº 153.
- Documentación acreditativa da inscrición no Rexistro de Entidades Deportivas e de Deportistas de Galicia co número C-00019

4. Ao abeiro do establecido no artigo 3 da citada ordenanza, son subvencións as disposicións dinerarias realizadas polo Concello para o desenvolvemento de proxectos, accións ou condutas que teñan por





obxecto o fomento dunha actividade de titularidade pública ou interese social ou de promoción dunha finalidade pública, sempre que cumpran os requisitos previstos no referido precepto.

Neste senso os artigos 25 da Lei 7/1985, de 2 de abril, reguladora das bases de réxime local e 80 da Lei 5/1997, do 22 de xullo, de administración local de Galicia establecen que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos nese artigo, exercendo en todo caso como competencias propias, nos termos da lexislación do Estado e das Comunidades Autónomas, as materias de promoción do deporte e ocupación do tempo libre. No mesmo senso, o artigo 8 da Lei 3/2012, de 2 de abril, do deporte de Galicia establece como competencia dos concellos, entre outras, fomentar e promover a actividade deportiva no seu territorio respectivo.

5. Segundo establece o artigo 22.2 da Lei 38/2003, xeral de subvencións, poderán concederse subvencións de forma directa, con carácter excepcional, cando se acrediten razóns de interese público, social, económico ou humanitario. Partindo deste precepto, o artigo 36 da OXS regula a posibilidade de conceder subvencións de forma directa, previndo o seu parágrafo 1.c) que se poderá acudir a este procedemento de forma excepcional cando, de maneira motivada, se acrediten as anteditas razóns de interese público, social, económico ou humanitario ou outras debidamente xustificadas que dificulten a súa convocatoria pública.

6. Atendendo á esixencia de motivación que consigna o artigo 36.1.c) da OXS, incorpórase ao expediente a providencia do concelleiro de Educación, Deportes, Actividade Física e Saúde na que se explican cales son as razóns de interese público, social e económico que xustifican o outorgamento da axuda económica solicitada.

Deste xeito, indícase polo órgano competente que: *“O “Campus de baloncesto CB Arxil 2022” e “XXVI Torneo Cidade de Pontevedra 2022” son actividades de grande interese público e social, polo elevado número de participantes e espectadores, polo nivel deportivo das actividades, e, en especial, pola notable e moi necesaria promoción da práctica deportiva entre a poboación feminina por ser este un sector da poboación que, a vista das enquisas poboacionais, evidencia unha participación moi baixa na práctica deportiva. E por último, son actividades de grande interese social pola relevancia que ten a dinamización asociativa no mundo do deporte federado feminino e a consolidación de proxectos nese ámbito. Deste xeito, a celebración destes eventos na cidade de Pontevedra suporá a posta en valor da práctica deportiva, especialmente da feminina.*

De conformidade co anterior, esta Administración considera de interese o outorgamento dunha axuda económica, por importe máximo de 5.500,00 €, con motivo da organización das actividades “Campus de baloncesto CB Arxil 2022” e “XXVI Torneo Cidade de Pontevedra 2022”. A relevancia das actividades deportivas sinaladas, así como as anteditas razóns de promoción do deporte, especialmente o feminino e da difusión da imaxe da cidade xustifican a excepcionalidade esixida pola Ordenanza de subvencións do Concello en canto á porcentaxe da subvención a outorgar, propoñéndose que esta poida alcanzar ata o 100% do custe da actividade”.

7. Motivada no expediente a excepcionalidade do outorgamento directo da subvención, a contía que se pretende outorgar ascende a 5.500,00 €. Neste senso, cómpre subliñar que consonte co disposto na base





40.2 das de execución do orzamento vixente, non será aplicable, na tramitación de subvencións directas, o límite contido no artigo 36.1.C da OXS.

8. A subvención proposta poderá instrumentalizarse a través dunha resolución ou decreto do órgano competente, tendo en conta o disposto polos artigos 28 da Lei 38/2003 e 26 da Lei 9/2007 de subvencións de Galicia que consideran ao convenio "*instrumento habitual*" para canalizar as de concesión directa, máis non configura ao convenio como instrumento indispensable, permitindo outros cauces para a formalización do acordo que se adopte.

O artigo 65.3 do Real decreto 887/2006 que aproba o regulamento polo que se desenvolve a Lei 38/2003 e o artigo 36.4 da Ordenanza reguladora das subvencións do Concello regulan os extremos que deberá incluír a resolución pola que se conceda a subvención.

Xa que logo, o decreto que, no seu caso, dispoña a concesión da subvención solicitada deberá conter os extremos enumerados no dito artigo, debendo indicar ademais o carácter singular da axuda e as razóns que acrediten o interese público, social, económico, humanitario e de oportunidade e obxectivos perseguidos. A este respecto, xúntase ao expediente un proxecto das bases específicas que regulan o outorgamento da subvención e que recollen o contido mínimo previsto na normativa de aplicación.

9. Consonte co disposto no artigo 75 do Real Decreto 887/2006 e na base 43 das de execución do Orzamento, a xustificación da axuda outorgada realizarase mediante a presentación da conta xustificativa simplificada, que deberá de presentarse pola entidade beneficiaria na forma e contido previstos nos citados preceptos e no decreto regulador da axuda.

10. Aos efectos de dar cumprimento ao artigo 7.3 da Lei orgánica 2/2012 do 27 abril, de estabilidade orzamentaria e sostenibilidade financeira e de conformidade co previsto na Base 50 das de execución do orzamento, únese ao expediente unha memoria económica que analiza o cumprimento dos principios de estabilidade orzamentaria e sostenibilidade financeira.

11. A competencia para a aprobación do expediente corresponde a alcaldía de conformidade co disposto no artigo 36.3 da Ordenanza Xeral Reguladora das subvencións do Concello de Pontevedra e os seus organismos autónomos, aprobada polo Pleno da Corporación na sesión do 17/09/2004 (BOP nº 190 do 30/09/2004).

12. A Intervención Xeral, con data 11.04.23, informou de conformidade o expediente segundo o disposto no artigo 214 do Real decreto lexislativo 2/2004, de 5 de marzo que aproba o texto refundido da lei reguladora das facendas locais (TRLRFL), así como no artigo 58 do Regulamento orgánico do goberno e da administración do Concello de Pontevedra, e Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local. No informe de fiscalización previa limitada da intervención xeral consta unha observación coa consideración de incumprimento esencial que non suspende o procedemento pero que deberán ser tida en conta.

13. O 19.07.23 o director do servizo de deportes emite informe, sobre a observación que consta no informe de fiscalización previa limitada da intervención xeral municipal, no que se entende emendada a mesma .

14. No que á subvención respecta, deberá comunicarse á Base de Datos Nacional de Subvencións nos termos indicados no artigo 20.8 da Lei Xeral de Subvencións.





Consonte cos fundamentos xurídicos expostos, unha vez informada a existencia de crédito pola Oficina de xestión presupuestaria e contabilidade e informado o expediente de conformidade pola Intervención Xeral municipal,

ACORDO:

Primeiro: Aprobar a concesión da subvención directa ao Club Baloncesto Arxil NIF G36039584, con da organización das actividades “Campus de baloncesto CB Arxil 2022” e “XXVI Torneo Cidade de Pontevedra 2022” por importe de 5.500,00 €, nos termos previstos na providencia do inicio do expediente do concelleiro de Educación, Deportes, Actividade Física e Saúde e nas bases reguladoras da axuda.

A achega económica financiará ata o 100% do importe do gasto total do programa subvencionado, co límite de 5.500,00 €, en base ás especiais razóns de interese público e social motivadas no expediente.

Segundo: Aprobar o gasto polo importe e con cargo á aplicación orzamentaria e operación do exercicio vixente que se indica:

Aplicación	Operación nº	Importe
05.3410.489.10	12023000015721	5.500,00 €
Total		5.500,00 €

Terceiro: Aprobar as condicións específicas do outorgamento desta subvención como anexo ao presente acordo, contidas no documento co CSV: P6AIXU68IG0ICEUK.

Cuarto.- Aprobar a proposta de ficha da liña de subvención directa do club baloncesto arxil que consta no expediente no documento con CSV: VX5BJ2FKN48IPFMH e incorporar a mesma ao Plan Estratéxico de subvencións vixente.

Así o manda e asina o Sr. Alcalde do Concello de Pontevedra, na data que consta na sinatura electrónica, dando fe do acto o Secretario da Administración Municipal.

